



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hymni Ecclesiastici Novo Cultu Adornati

Clairé, Martin

Parisiis, 1676

De Sancta Martina.

urn:nbn:de:hbz:466:1-12077

DE SANCTA MARTINA.

AD VESPERAS.

MARTINÆ celebri plaudite no-
mini,
Vestro, Romulidæ, plaudite sanguini;
Insignem meritis dicite virginem,
Christi dicite martyrem.

Hæc priscâ procerum nata propagine,
Claro mille procum nobilis agmine,
Vitæ deliciis affluit omnibus
Mundi nata favoribus.

At dum virgineæ dotis amantior,
Vult nupsisse Deo sponsa beatior,
Christi pauperibus dans semel omnia,
Quærit regna perennia.

O, qui Martyribus grandia præparas,
Da res, sancta Trias, spernere pro-
speras,
Ut per martyrium nobile Spiritus
Nobis des bona cœlitus. Amen.

AD MATUTINUM.

JAM matura polo, quò via panditur,
Virgo multiplici funere cæditur:

D iij

78 H Y M N I

Ast illam recreant protinus Angeli
Cœlestis dape ferculi.

Quin, tu nec mediis ureris ignibus,
Nec, projecta feris, tangeris unguibus :
Sed qui te gladius vulnere sustulit,
Cœli sedibus intulit.

Nunc sacris redolens ara vaporibus,
Offert vota, tuis nixa favoribus,
Et signata tuo fors mala nomine
Fausto vertitur omine.

O, qui Martyribus, &c.

AD LAUDES.

O Martina, tuos sedula protege,
Ad pacis requiem tempora dirige;
Solis Christiadum cum crucis hostibus
Sint nunc prælia gentibus.

Tum sacro socians agmina fœdere,
Injustis Solymas nexibus exere;
Dele sacrilegam cæde propaginem,
Mulctans sanguine sanguinem.

Tu nostrum columen, nostraque
gloria,
Crebras cara preces fert tibi patria;
Ut Te Roma parens gaudeat auspice,
Hanc ne, filia, despice.

O, qui Martyribus, &c.